

10.10.2019.

Manifestaciju „Dane jabuke” otvorila premijerka BPK Goražde Aida Obuća



U Goraždu je danas otvorena 16. privredno-kulturna manifestacija „Dani jabuke” Goražde 2019.

Svečanoj ceremoniji otvaranja na platou ispred Gradske dvorane „Mirsad Hurić” u Goraždu, uz veliki broj građana, prisustvovali su zvaničnici izvršne i zakonodavne vlasti BPK Goražde i Federacije BiH, kao i susjednih gradova u Republici Srpskoj.

Riječi dobrodošlice posjetiocima i učesnicima Sajma uputio je predsjednik Upravnog odbora Udruženja „Dani Jabuke” Mirsad Hubanić.



Manifestaciju je otvorila premijerka Bosansko-podrinjskog kantona Goražde Aida Obuća, a o ulozi i značaju Sajma ovom prilikom, pored ministra za privredu BPK Goražde Mensada Arnauta i gradonačelnika Grada Goražde Muhameda Ramovića, govorili su prodekan za kvalitet Poljoprivredno-prehrambenog fakulteta Univerziteta Sarajevo Almir Toroman, predsjednik Privredne komore FBiH Mirsad Jašarspahić te savjetnik federalnog ministra poljoprivrede, vodoprivrede i šumarstva Husnija Katić.

U svom obraćanju premijerka je naglasila specifičnost ove manifestacija iz razloga što pored izložbenog dijela ima i edukativni karakter.





